

千金方衍義

卷二

孫真人千金方衍義卷二

長洲張璐路玉著

南沙席世臣郢客校

婦人方上

凡九類

求子第一

論六首
灸法六首

方一十五首
轉女為男法三首

論曰夫婦人之別有方者以其胎妊生產崩傷之異故也是以婦人之病比之男子十倍難療經言婦人者眾陰所集常與濕居十四已上陰氣浮溢百想經心內傷五臟外損姿顏月水去留前後交互瘀血停凝中道斷絕其中傷墮不可具論矣然五臟虛實交

錯惡血內漏氣脉損竭或飲食無度損傷非一或瘡
瘻未愈便合陰陽或便利於懸厠之上風從下入便
成十二癰疾所以婦人別立方也若是四時節氣爲
病虛實冷熱爲患者故與丈夫同也惟懷胎妊而挾
病者避其毒藥耳其雜病與丈夫同則散在諸卷中
可得而知也然而女人嗜慾多於丈夫感病倍於男
子加以慈戀愛憎嫉妬憂恚染著堅牢情不自抑所
以爲病根深療之難瘥故養生之家特須教子女學
習此三卷婦人方令其精曉卽於倉卒之秋何憂畏
也夫四德者女子立身之樞機產育者婦人性命之

長務若不通明於此則何以免於天枉者哉故傅母
之徒亦不可不學常宜繕寫一本懷挾隨身以防不
虞也

論曰人之情性皆願賢已而疾不及人至於學問則
隨情逐物墮於事業詎肯專一推求至理莫不虛棄
光陰沒齒無益夫婚姻養育者人倫之本王化之基
聖人設教備論厥旨後生莫能精曉臨事之日憚爾
若愚是則徒願賢已而疾不及人之謬也斯實不達
賢已之趣而妄徇虛聲以終無用今具述求子之法
以貽後嗣同志之士或可覽焉

論曰夫欲求子者當先知夫妻本命五行相生及與德合併本命不在子休廢死墓中者則求子必得若其本命五行相尅及與刑殺衝破并在子休廢死墓中者則求子了不可得慎無措意縱或得者於後終亦累人若其相生并遇福德者仍須依法如方避諸禁忌則所誕兒子盡善盡美難以具陳

禁忌法受胎時日推王相

貴宿日法在二十七卷中

論曰凡人無子當為夫妻俱有五勞七傷虛羸百病所致故有絕嗣之患夫治之之法男服七子散女服紫石門冬圓及坐藥盪胞湯無不有子也

七子散 治丈夫風虛目暗精氣衰少無子補不

不足方 治參香鹿茸以中器注飲不飲者用此以

對五味子 鍾乳粉 牡荊子

木兔絲子 車前子 菥蓂子

目石斛 乾地黄 薯蕷

杜仲 鹿茸 遠志 各八銖

附子 蛇床子 芎藭 各六銖

山萸 天雄 人參

茯苓 黃耆 牛膝 各五銖

桂心 菝葜 巴戟天 各十二銖

右二十四味治下篩酒服方寸七日二不知增至
二匕以知爲度禁如藥法不能酒者蜜和圓服亦
得山一方加覆盆子八銖求子法一依後房中篇

衍義

萬類稟乎乾健務資化生千金體乎造物首推廣
嗣廣嗣一門又以七子散爲基始專主丈夫風虛
目暗精氣衰少夫所謂風虛者肝氣內虛而顯風
木之象目暗者腎氣不充水精不能上注於目也
故欲求廣嗣先培根本此方專爲慾勤精薄陽氣
不振者設參耆鹿茸方中君主精不足者補之以
一一味也鍾乳雄附方中主帥形不足者溫之以氣也

參芪溫厚非雄附不能激之鍾乳慄悍非鹿茸無
以濡之巴戟菴蓉五味山萸兔絲薯蕷杜仲牛膝
乃參耆之匡輔茯苓蛇床桂心遠志則雄附之寮
佐然無陰則陽無以化地黃芎藭不特化氣成形
并化胎息蘊毒制劑之妙無以喻之至於牡荊專
主風虛車前職司氣化牡荊勢紛石斛監之車前
力薄茯苓助之以其襄旣濟之功克紹廣嗣之勳
允爲慾勤精薄之金錒第溫補助陽不過爲廣嗣
之一端設陰精內涸陽氣未漓雄附似可勿用地
黃何妨量加且有膏粱體豐酒客濕著濁痰脂膩

支塞中外精氣不純不能生育者亦有好餌丹石
毒溢骨空精氣灼爍不能施化者復有急於子嗣
愈補則氣愈壅愈溫則陽愈痿又須二陳平胃滋
腎洗滌髓室則生生之機自裕如矣讀古人方須
要識古人手眼如上等法足補七子散之未逮也
朴消盪胞湯 治婦人立身已來全不產及斷緒

久不產三十年者方

朴消

牡丹

當歸

大黃

桃仁

生用各
三銖

厚朴

桔梗

人參

赤芍

茯苓

桂心

甘草

牛膝

橘皮 各二銖

附子 六銖

蟲蟲

水蛭 各十枚

右十七味咬咀以清酒五升水五升合煮取三升
日三夜一分四服每服相去三時更服如常覆被
取少汗汗不出冬日著火籠之必下積血及冷赤
膿如赤小豆汁本為婦人子宮內有此惡物使然
或天陰臍下痛或月水不調為有冷血不受胎若
斟酌下盡氣力弱大困不堪更服亦可二三服即
止如大悶不堪可服酢飯冷漿一口即止然恐去

惡物不盡不大得藥力若能忍服盡大好一日後

仍著導藥

千金翼不用
桔梗甘草

行

土中有石則草不生渠中有阜則水積阻婦人立

身不產斷緒不孕皆子藏有瑕之故非峻用決渠

開荒力量雖日從事調經丸泥補天術耳方中硝

黃蝨蛭決渠之槌鑿也桂心附子鉏荒之力士也

人參茯苓開疆之糧餉也桔梗厚朴藥中宣使病

在下取之上也其餘牡丹赤芍等味皆供驅役之

流此方專滌胞門積血故以抵當為主而兼下瘀

血湯桃核承氣之製其力專矣猶恐積垢難動又

需參附之大力直搗長驅何憚堅壘不破耶服後
覆取微汗不獨迅掃諸內并以開發元府宣通中
外化機勃發生氣裕如但藥力過峻須防暝眩乃
預擬酸收之法可無倉卒之虞然必天陰臍下疼
痛方爲瘀血之確徵而婦人不孕詎止一端多有
坤體肥盛濕壅子藏不能攝精者亦有土氣瘠薄
火灼精枯不能敷化者亦有交接過勞關闡廢弛
而失閉藏之令者不特上方無預導法尤難槩施
夫病有常變藥有變通若以常法治變則與圓柄
方鑿何異哉

治全不產及斷緒服前朴消湯後著坐導藥方

皂莢

萸肉

千金翼作苦瓠

當歸

各一兩

細辛

五味子

乾薑

各二兩

大黃

礬石

戎鹽

千金翼作葶藶三分

蜀椒

各半兩

右十味為末以絹袋盛大如指長三寸盛藥令滿
內婦人陰中坐臥任意勿行走急小便時去之更
安新者一日一度必下青黃冷汁汁盡即止可幸
御自有子若未見病出亦可至十日安之一本別
有葶藶砒霜各半兩此藥為服前朴消湯恐去冷惡

物出不盡以導藥下之值天陰冷不疼不須著導藥亦有著鹽爲導藥者然不如此藥其服朴硝湯後卽安導藥經一日乃服紫石門冬丸衍義坐導之法乃蜜煎膽導土瓜根導之變法東垣方中亦常有之然有其藥而無其用姑存以備立法可也

紫石門冬圓 治全不產及斷緒方

紫石英

天門冬 各三兩

當歸

芎藭

紫葳

卷栢

桂心

烏頭

乾地黃

牡蒙 千金翼作牡荆
外臺作牡蒙

禹餘糧

石斛

辛夷 各二兩

人參

桑寄生

續斷

細辛

厚朴

乾薑

食茱萸

牡丹

牛膝 各三十銖

柏子仁

薯蕷

烏賊骨

甘草 各一兩半

右二十六味為末蜜和丸如梧子大酒服十九日

三漸增至三十九以腹中熱為度不禁房室夫行

不在不可服禁如藥法比來服者不至盡劑即有

娠

衍義

天地細縕萬物化生之機務在水土之精純
自然庶蕪繁茂方中人參甘草芎藭地黃山藥寄
生川斷牡丹調養氣血之味庸所易知其石英餘
糧溫固下元且佐桂薑烏萸毋乃失之過熱天冬
卷柏性稟至陰如何可任廣嗣之用因諦本經天
門冬有強骨髓之說別錄言冷而能補甄權治一
切惡氣不潔之疾卷柏主女子陰中寒熱痛癥瘕
血閉絕子乃知二味配合石英餘糧有既濟陰陽
之妙其溫養氣血之味上法具矣而溯洄窮源又
須子藏精純生生之氣方得裕如細辛辛夷專清

子藏風氣烏賊牛膝紫葳牡蒙專散胞門瘀積石
斛專清胃氣厚朴專泄腸垢柏子仁專滋心腎益
肝氣久服令人潤澤美色以婦人之病每多風襲
胞門血汗子藏故細辛以下諸味千金恒有之此
方較補益門中紫石英天門冬丸大都髣髴彼以
風冷在子宮子常墮落此以立身不產斷緒不孕
子藏原無固冷故不需石南雲母輩峻温也

白薇圓主令婦人有子方

細辛

天人參蘇葛麻外秦椒

白斂

一作白芷

桂心

牛膝

秦艽

蕪荑

沙參

芍藥

五味子

白殭蠶

牡丹

蟻螯

各一兩

乾漆

柏子仁

乾薑

卷柏

附子

芎藭

各三銖

桃仁

紫石英

各一兩五錢

鐘乳

乾地黄

白石英

各二兩

鼠婦

半兩

水蛭

蟲蟲

各十五枚

吳茱萸

十八銖

麻布叩腹頭

一尺燒

右三十二味為末蜜和丸如梧子大酒服十五丸

日再稍加至三十九當有所去小覺有異即停服
又方 治婦人久無子或斷緒上熱下冷百病皆
治之方

白薇

乾地黄

乾薑

車前子

蜀椒

各十
八銖

紫石英

藁本

石膏

菴藷子

卷柏

各三
十銖

澤蘭

赤石脂

白龍骨

遠志

麥門冬

茯苓

太乙餘糧

各二
兩

當歸

芎藭

蛇床子

各一
兩

白芷

養 覆盆子 桃仁 人參 各一兩半

桂心 蒲黃 各二兩半 細辛 三兩

橘皮 半兩

右二十八味為末蜜和丸如梧子大酒服十五丸

日再漸增至四十九丸以知為度亦可至五十九慎

猪雞生冷酢滑魚蒜驢馬牛肉等覺有娠即停三

月正擇食時可食牛肝及心至四月五月不須但

不可故殺令子短壽遇得者大良

衍義

本經白薇專主風熱不言婦人諸治金匱安中益

氣竹皮丸治婦人產中虛煩嘔逆雖主胎產實治

風熱也而別錄有療傷中淋露下水氣等說所以
婦人胎產方多用之同芍藥治婦人胎前產後遺
尿斯非利水之驗歟此白薇丸前後二方一主血
結胞門子戶不淨不能成孕故用蠶蟲水蛭蛻螬
鼠婦乾榛桃仁等一派峻攻積血之藥參入石莖
參附桂薑椒萸大溫子藏佐以芎藭牛膝牡丹芍
藥和血之味白薇沙參卷柏柏仁化諸辛熱細辛
防風秦艽蕪荑散諸風氣白斂清理帶下殭蠶滌
除風痰五味收斂陰精煖頭灰者取繼續宗祧之
義兼能破除瘀血也又方專主上熱下冷子宮虛

寒不能攝精於前方除去破血峻劑僅用十味配
入餘糧石脂龍骨蛇床遠志覆盆佐石英人參薑
椒桂心以固下冷地黃門冬車前石膏茯苓橘皮
佐卷柏白薇以清上熱藁本白芷細辛佐菴藷澤
蘭以散風熱芎歸蒲黃佐桃仁以散血滯雖不若
前方之專行破血溝渠之中豈無淤垢存焉此千
金立法之綱旨也

金城太守白薇圓 治月水不利閉塞絕產十八
年服此藥二十八日有子方

白薇

細辛

各三
十銖

人參

杜蘅

古今錄實用牡蠣

牡蒙

厚朴

半夏

白殭蠶

當歸

紫苑

各十八銖

牛膝

沙參

乾薑

秦芫

各半兩

蜀椒

附子

防風

各一兩半

右十七味為末蜜和丸如梧子大先食服三丸不知可增至四五丸此藥不可常服覺有娠即止用

之大驗

崔氏有桔梗丹參各十八銖

衍義

此方較前二方稍平僅取前方中參附椒薑以溫血氣白薇沙參以化辛熱辛防秦芫以祛血室之

風牛膝當歸以和衝脉之血殭蠶以滌子戶風痰
一切攻血之藥與又方固脫之劑總無預焉加杜
蘅者師甄權之破留血也加牡蒙紫苑者法本經
之下逆氣及胸中寒熱結氣也逆氣下結氣散而
血行無滯風氣去痰氣除而子藏安和故用半夏
厚朴殭蠶專行清理風痰濕滯并上二方爲鼎峙
三法隨人稟氣病氣而爲取裁破血無如首方固
脫莫若次法搜滌脂膩此方爲最所以服之匝月
便能育子

論曰古者求子多用慶雲散承澤丸今代人絕不用

此雖未試驗其法可重故述之

慶雲散 治丈夫陽氣不足不能施化施化無成方

覆盆子 各一升 兔絲子 二升

天雄 一兩 石斛 各一兩 白朮 各三兩

桑寄生 四兩 天門冬 二兩 紫石英 二兩

右九味治下篩先食酒服方寸匕日三素不耐冷

者去寄生加細辛四兩陽氣不少而無子者去石

斛加栝榔十五枚良

承澤圓 治婦人下焦三十六疾不孕絕產方

梅核仁 各一升 辛荑 各一升 葛上亭長 七枚

溲疏

三兩

藁本

一兩

澤蘭子

五合

衍義

右六味爲末蜜丸如大豆先食服二九日三不知
稍增之若腹中無堅癖積聚者去亭長加通草一
兩惡甘者和藥先以苦酒搜散乃內少蜜和爲丸
慶雲者慶雲龍之徵兆承澤者承雨露之沾私也
慶雲丸以紫石英專溫榮血天雄峻煖精氣佐以
覆盆五味兔絲溫補下元寄生主治腰痛天冬能
強腎氣石斛強陰益精白朮固津氣而利腰臍間
血恐英雄二味之性過烈乃以天冬石斛寄生濡
之覆盆五味兔絲輔之白朮培土以發育萬物扶

陽施化之功盡矣若素不耐寒則去寄生而加細
辛以鼓生陽之氣陽本不衰當退石斛而進栝榔
以祛濁濕之垢其法之可重端在乎此 承澤圓
專破子藏積血子藏屬衝脉緊附厥陰而主風木
故取梅仁之酸平以泄厥陰風熱則亭長方得振
破血之威辛萸藁本洩疏三味本經一治寒熱風
頭腦痛一主婦人陰中寒腫痛一止遺溺利水道
更用澤蘭之子統理婦人三十六病一舉而內外
風氣悉除胞戶積血盡掃獨是梅仁之旨難以領
悉觀本草治例吳普言明目益氣孟詵言除煩熱

目非肝腎所主之竅酸非風木所化之味歟近世
但言烏梅收津而不知梅仁之功用也惜哉方後
有云腹無堅積則去亭長而易通草其虛實權變
輕重天淵丸用苦酒正恐亭長性厲服後令人大
煩勝于麥飯解之之法也

大黃圓 治帶下百病無子服藥十日下血二十

日下長蟲及青黃汁二十日病除五十日肥白方

大黃

碎如米豆
熬令黑

柴胡

朴硝

煨

乾薑

各一升

芎藭

五兩

蜀椒

二兩

茯苓

如雞子
大一枚

右七味爲末蜜和丸如桐子大先食服七丸米飲
下加至十九丸以知爲度五日微下

義

此治婦人帶下百病無子故用大黃朴硝熬煨以
散積血卽用乾薑蜀椒以溫子藏柴胡升發生氣
芎藭清理榮血茯苓引領硝黃專行滲道與後養
胎令易產方蒸大黃丸用法相仿

吉祥圓 治女人積年不孕方

天麻

柳絮

牡丹

茯苓

乾地黃

桂心

各一兩

五味子

桃花

白朮

芎藭 各二兩

覆盆子 一斗

桃仁 一百枚

兔絲子

楮實子

各一升

右十四味爲末蜜和丸如豆大空心苦酒下五丸

日中一服晚一服

衍義

桃花令人好顏色柳絮能除面熱黑斯亦閨人之

所需其地黃芎藭楮實養血壯筋兔絲覆盆五味

補精益氣牡丹桂心桃仁和榮煖宮茯苓白朮天

麻清痰逐濕飲用苦酒取酸收以歸子藏也

硝石大黃丸 治十二痕癬及婦人帶下絕產無

子并服寒食藥而腹中有癖者當先服大丸下

之乃服寒食藥不下水穀但下病耳不至令人

虛極方見十三卷中

秦椒圓 治婦人絕產生來未產盪滌腑臟使玉

門受子精方

秦椒

天雄

各十
八銖

元參

人參

白斂

鼠婦

白芷

黃耆

桔梗

露蜂房

白殭蠶

桃仁

蟬蛸

白薇

細

蕪荑

各一
兩

牡蒙

沙參

防風

甘草

牡丹皮

牛膝

卷柏

五味子

芍藥

桂心

大黃

石斛

白朮

各三
十銖

柏子仁

茯苓

當歸

乾薑

各一
兩半

澤蘭

乾地黄

芎藭

各一兩
十八銖

乾漆

紫石英

白石英

附子

各二
兩

鍾乳

二兩
半

水蛭

七十
枚

蝨蟲

一百
枚

麻布叩腹頭

七尺
燒

右四十四味為末蜜和丸如梧子大酒服十九日

再稍加至二十九若有所去如荳汁鼻涕此是病
出覺有異卽停

衍義

此卽第一方白薇圓之立法方中附子不逮益
以天雄白朮蝨蟲鼠婦不逮益以蜂房以蜂房能
治崩中漏下五色又解鍾乳白朮相反之毒蘇頌
所謂下乳石毒也

灸法

婦人絕子灸然谷五十壯在內踝前直下一寸

婦人絕子不生胞門閉塞灸關元三十壯報之

婦人妊子不成若墮落腹痛漏見赤灸胞門五十壯

關元左邊二寸是也右邊二寸名子戶

婦人絕嗣不生灸氣門穴在關元傍三寸各百壯

婦人子藏閉塞不受精疼灸胞門五十壯

婦人絕嗣不生漏赤白灸泉門十壯三報穴在橫骨

當陰上際

論曰陰陽調和二氣相感陽施陰化是以有娠而三

陰所會則多生女但妊娠二月名曰始膏精氣成於

胞裏至於三月名曰始胎血脈不流象形而變未有

定儀見物而化是時男女未分故未滿三月者可服

藥方術轉之令生男也

丹參丸 治婦人始覺有孕養胎并轉女為男方

丹參 兩 川斷 芍藥

白膠 白朮 柏子仁

甘草 人參 芎藭

乾薑 吳茱萸 橘皮

當歸 白芷 冠纓 燒灰各一兩

乾地黄 蕪荑 十八

犬卵 乾一具 東門上雄雞頭 一枚

右十九味為末蜜和丸如梧子大酒服十九日再

稍加至三十九

衍義

陰陽造化之機得之資始轉女為男之說得不無
疑此方出之千金量非誕妄方中理中四物培養
血氣芷蕪丹續祛風和榮白膠有散瘀止血之功
柏仁有除風潤燥之力用犬卵者取其資壯元陽
雞頭者專取東方生氣冠纓沾日月光華為男子
章身之具用以入藥以類感也然必未滿三月混
沌未分服之庶克有濟常見鷄抱卵時以斧置窠
令刃向下則匹雞盡雄術之靈幻又不得不信也

又方

取原蠶屎

一作矢

十枚井花水服之日三

又方煎蠶矢... 中外我... 水煎之... 日三為男...

又取弓弩絃一枚絳囊盛帶婦人左臂一法以繫

合腰下滿百日去之... 蠶矢之... 蠶矢之... 蠶矢之...

又方... 煎之... 煎之... 煎之... 煎之...

取雄黃一兩絳囊盛帶之要女者帶雌黃日...

又方香車... 煎之... 煎之... 煎之... 煎之...

以斧一柄於產婦臥床下置之仍繫刃向下勿

血令人知如不信者待鷄抱卵時依此置于窠下

窠一窠兒子盡為雄也... 煎之... 煎之... 煎之... 煎之...

論二首... 方四首... 妊娠惡阻第三... 法二首... 煎之... 煎之... 煎之... 煎之...

論曰何以知婦人妊娠脉平而虛者乳子法也經云
陰博陽別謂之有子此是血氣和調陽施陰化也診
其手少陰脉動甚者妊子也少陰心脉也心主血脉
又腎名胞門子戶尺中腎脉也尺中之脉按之不絕
法妊娠也三部脉沉浮正等按之無絕者有娠也
妊娠初時寸微小呼吸五至三月而尺數也

妊娠四月欲知男女者左疾爲男右疾爲女左右俱
疾爲產二子又法左手沉實爲男右手浮大爲女左
右手俱沉實猥生二男俱浮大猥生二女尺脉若左
偏大爲男右偏大爲女左右俱大產二子大者如實

眩也覺如此候者便宜服半夏茯苓湯數劑後將茯苓丸淡水消除便欲食也既得食力體強氣盛力足養胎母便健矣古今治阻病方有十數首不問虛實冷熱食少殆死者活於此方

半夏茯苓湯 治妊娠阻病心中憤悶空煩吐逆

惡聞食氣頭眩體重四肢百節疼煩沉重多臥少起惡寒汗出疲極黃瘦方

半夏

生薑

乾地黄

茯苓

橘皮

旋覆花

各十
八銖

各三
十銖

細辛

人參

芍藥

芎藭

桔梗

甘草

各十
二銖

右十二味㕮咀以水一斗煮取三升分三服若病阻積月日不得治及服藥冷熱失候病變客熱煩渴口生瘡者去橘皮細辛加前胡知母各十二銖若變冷下痢者去地黃加桂心十二銖若食少胃中虛牛熱大便閉塞小便赤少者去地黃加大黃十八銖黃芩六銖餘依方服一劑得下後消息看氣力冷熱增損方調定更服一劑湯便急服茯苓丸令能食便強健也忌生熱醋滑油膩松菜海藻妊娠惡阻良由母氣不充精微稟於胎息水穀之

衍義

千金方行義卷三

三

掃葉山房

氣不能孚化蘊積而爲痰涎汪洋沃于心下而致
嘔逆困殆在胎息將成時吸取母氣過甚則其阻
彌劇調適之法惟以健運豁痰爲首務方用人參
鼓舞二陳之製以運痰止嘔兼旋覆桔梗以升散
結氣芎芍地黃以保護榮血用細辛者協濟芎地
以開血分經脈竅隧之邪也倘服後煩熱下痢或
二便閉塞是必兼理客氣其加桂心加大黃當效
前大黃圓及後方茯苓丸之製龐安常言桂不傷
胎且熬令黑則專散氣而無壯火食氣之患大黃
熬黑但能泄熱而無苦寒傷中之慮世俗每謂半

夏辛散胎未成形時爲之切禁若妊娠肥盛多痰者不去其痰則胎不安癰瘡多火者不清其火則胎不穩時師咸謂黃芩白朮爲安胎專藥孰知半夏大黃桂心有安胎妙用乎歷觀千金諸方每以大黃同薑桂任補益之用人參協硝黃佐克敵之功不由千金之門何以求應變之策耶

茯苓圓 治妊娠阻病患心中煩悶頭眩重憎聞飲食氣便嘔逆吐悶顛倒四肢垂弱不自勝持服之卽效先服半夏茯苓湯兩劑後服此方

茯苓

半夏

桂心

乾薑 各一兩

白朮 二兩

橘皮 一兩

人參 一兩

葛根

甘草

枳實 各二兩

右十味為末蜜和丸如梧子大飲服二十九漸加

至三十九日三

別後不用乾薑半夏橘皮白朮
葛根只五味妊娠忌桂故熬

衍義

此方合理中六君枳朮桂苓等湯統以健脾運痰為務妙用尤在葛根一味鼓舞胃中清陽之氣生

津止嘔不致滯積汪洋七味白朮散之發源本此

又須先服半夏茯苓湯者攸賴細辛以搜邪散結

地黃芍芍以保護胎息也

青竹茹湯 治妊娠惡阻嘔吐不下食方

青竹茹

橘皮

各十
八銖

茯苓

生薑

各一
兩

半夏

三十
銖

右五味呖咀以水六升煮取二升半分三服不瘥
頻作

衍義

二陳湯滌痰止逆之專藥也猶嫌甘草之助滿乃
易竹茹之涼潤既清膈上稠痰復解胎息蘊熱一
舉而兩得之矣

橘皮湯 治妊娠嘔吐不下食方

橘皮

竹茹

人參

白木

各十八銖

生薑

一兩

厚朴

十二銖

右六味咬咀以水七升煮取二升半分三服不瘥
重作

衍義

此本金匱橘皮竹茹湯於中裁去大棗甘草加入
白木厚朴變止噦為止嘔其機用之靈活如此惡

阻諸治無逾已上數法也

養胎第三

論二首
禁忌一首

方三十三首
逐月養胎二十一首

論曰舊說凡受胎三月逐物變化稟質未定故妊娠

三月欲得觀犀象猛獸珠玉寶物欲得見賢人君子

盛德大師觀禮樂鍾鼓俎豆軍旅陳設焚燒名香口

誦詩書古今箴誠居處簡靜割不正不食席不正不坐彈琴瑟調心神和情性節嗜慾庶事清淨生子皆良長壽忠孝仁義聰慧無疾斯蓋文王胎教也

論曰兒在胎日月未滿陰陽未備腑臟骨節皆未成足故自初訖於將產飲食居處皆有禁忌

妊娠食羊肝令子多厄食山羊肉令子多病

妊娠食驢馬肉令子延月食騾肉難產

妊娠食兔肉犬肉令子無音聲并缺脣

妊娠食雞子及乾鯉魚令子多瘡

妊娠食雞肉糯米令子多寸白蟲

二金天行等卷二
一
妊娠食椹并鴨子令子倒出心寒

妊娠食鵲肉并豆醬令子滿面多黥黯黑子

妊娠食雀肉飲酒令子心淫情亂不畏羞恥

妊娠食鱉令子項短

妊娠食水漿絕胎

妊娠勿向非常地大小便必半產殺人

徐之才逐月養胎方

妊娠一月名始胚飲食精熟酸美受御宜食大麥母

食腥辛是謂纒正

妊娠一月足厥陰脉養不可針灸其經

如大敦行間
大衝中封五

里中郊等
穴是也
足厥陰內屬於肝肝主筋及血一月之時

血行否澀不為力事寢必安靜無令恐懼

妊娠一月陰陽新合為胎寒多為痛熱多卒驚舉重

腰痛腹滿胞急卒有所下當預安之宜服烏雌雞丸

烏雌雞湯方

烏母雞

一隻治如食法

茯苓

阿膠

各二兩

吳茱萸

一升

麥門冬

五合

人參

芍藥

白朮

各三兩

甘草

生薑

各一兩

右十味咬咀以水一斗二升煮雞取汁六升去雞

下藥煎取三升內酒三升并膠烊盡取三升放温
每服一升日三

衍義

足厥陰稟東方生發之氣合衝脉而主血海專司
胎息化機設不慎而見腰痛腹滿胞急卒有所下
不得不藉血肉之味以安之雞屬巽而主肝血取
其牝以助母氣黑以滋腎血也然血肉性緩非藉
參苓朮艸陽生之力則膠芍豈能速應其用茱萸
門冬各有二義茱萸辛温不特引諸藥入肝兼以
杜將來惡阻門冬涼潤不特化茱萸之辛熱并以
解氤氳之穢毒此皆人所未知生薑醇酒以鼓舞

諸藥之性耳然胎氣傷在一月之內烏知不為經病而漫用安胎之劑耶必因有所觸而卒有所下故宜急安以保貞固設本婦素稟血熱則茱萸又難槩用胎息本嫌下墮其門冬惡可漫施先輩立法不過舉其大義安能一一盡合人之資稟感觸變態乎然能彙通以後逐月治例應亦無出其右也

補胎湯 若曾傷一月胎者當預服此方

細辛 一兩

防風

乾地黃

白朮

各二兩

生薑

四兩

吳茱萸

大麥 各五合

烏梅 一升

右八味咬咀以水七升煮取二升半分三服先食

服多寒者倍細辛茱萸熱多渴者去之加天花粉

二兩若有所思去大麥加柏子仁三合 一方有

人參一兩

衍義

補胎者補胎氣之滲漏非補胎氣之不足也胎始

一月雖未見其不安然前曾傷在一月當力爲之

預防逆推所墜之由若子藏不淨何能受孕今既

能孕諒非中有宿病也惟本婦稟體過豐濕痰侵

犯子藏稟體過瘠血熱不能滋養而致不安者有

之此皆人所易明不必宣道其義惟是養胎之經
不固風氣內干而致滲漏卒有所下未必無之所
以方中用細辛茱萸防風開發養胎經中風氣白
朮大麥培厚中土以填補滲漏之區佐以生薑不
使淤濁內擾則地黃烏梅專一收斂陰精不隨風
藥外驚胎息受蔭自可安如磐石也況風藥性竄
無竅不入卽有風熱氣滯力能迅掃無餘于時胎
息尚未長大不慮其鼓之上逆也試觀五月以後
治例自可默識矣

妊娠二月名始膏無食辛燥居處必靜男子勿勞百

節皆痛是為胎始結

妊娠二月足少陽脉養不可針灸其經

如胆竅邱墟付陽絕骨外

立陽陵泉等穴是也

足少陽內屬於胆主精三月之時兒精成

於胞裏當慎護驚動也

妊娠二月始陰陽踞經有寒多壞不成有熱即萎悴

中風寒有所動搖心滿臍下懸急腰背強痛卒有所

下乍寒乍熱宜服艾葉湯

艾葉湯方

艾葉

丹參

當歸

麻黃

各二兩

人參

各三兩

阿膠

甘艸 四分

生薑 六兩

大棗 十二枚

右九味咬咀以酒三升水一斗煮減半去滓內膠
前取三升分三服一方用烏母雞一隻宿肥者
治如食法割頭取血內三升酒中相和次以水一
斗二升先煮取汁去雞內藥煎取三升內血酒并
膠煎取三升分溫三服

衍義

妊娠足少陽養胎時有所傷犯而卒有所下且乍
寒乍熱有似乎中風寒狀以證見心滿臍下懸急
腰背強痛不得不以安胎為務遂於膠艾參歸劑
中參入麻黃一味縱非風寒致病亦可藉以開發

肌腠使內蘊之熱不致侵損胎息雖其例下有中風寒三字實非為風寒設也麻黃在青龍續命方中洵為發汗重劑在此方與後菊花湯中不過借以宣散蘊熱之使味耳

黃連湯 有曾傷二月胎者當預服此方

川連

人參

各一兩

吳茱萸

五合

生薑

三兩

生地

五兩一方用阿膠

右五味咬咀以酢漿七升煮取三升分四服日三

夜一十日一修合若頗覺不安加烏梅一升加烏

梅者不用酢漿直用水耳 一方用當歸半兩

義衍

妊娠惡阻皆由胎息內吸母氣母之胃弱不能敷布水精而爲嘔逆以懷孕兩月正當少陽養胎之時少陽爲陰陽交界之限裏寒欲出膈熱阻拒所以嘔惡因前曾傷兩月之胎恐其復蹈前轍計維左金丸中茱萸以溫下腕之寒川連以化膈上之熱胃氣不足人參助之子氣不安地黃護之更取生薑辛散開豁痰涎酢漿酸收不令上涌倘服後覺不安必是本婦榮氣不勝固閉卽當改用烏梅兼開胃氣一舉而兩得之矣然地黃滯膈嘔家所禁而此用之無礙且得留連諸藥共建止逆之功

為治妊娠惡阻頂門之錐而方下所主纖毫不露
洵夫靈機之不可輕泄如此

妊娠三月名始胎當此之時未有定儀見物而化欲
生男者操弓矢欲生女者弄珠璣欲子美好數視璧
玉欲子賢良端坐清虛是謂外象而內感者也

妊娠三月手心主脉養不可針灸其經

如中衝勞宮
大陵內關間

使郄門曲澤
等穴是也

手心主內屬於心無悲哀思慮驚動

妊娠三月為定形有寒大便青有熱小便難不赤則

黃卒驚恐憂愁嗔怒喜頓仆動於經脉腹滿繞臍苦
痛或腰痛背卒有所下宜服雄雞湯

雄雞湯方

雄雞

一隻治如食法

黃芩

白朮

生薑

各一兩

麥冬

五合

白芍

四兩

大棗

十二枚擘

甘艸

人參

茯苓

阿膠

各二兩

右十一味㕮咀以水一斗三升煮雞減半出雞內

藥煮取半內清酒三升并膠煎取三升分三服一

日令盡當溫臥一方無黃芩生薑用當歸川芎

各二兩

衍義

懷身三月當手心主脉養胎於時將有定形欲其

成男即於前烏雌雞方改用雄者其間除去茱萸之辛熱易入黃芩之苦寒使包絡之火不致內擾而胎息安矣用棗者所以助薑發諸藥性也

茯神湯 若曾傷三月胎者當預服此方

茯神

丹參

龍骨

各一兩

阿膠

當歸

甘草

人參

各二兩

大棗

二十一枚

赤小豆

二十一枚

右九味咬咀以酢漿一斗煮取三升分四服先食服七日後服一劑腰痛者加桑寄生二兩

深師有薤白二

兩麻子

仁一升

衍義

此湯治曾傷三月之胎故於調補氣血藥中用龍骨入肝以斂其固脫赤小荳歸心以承制其火可無消爍胎氣之虞矣

妊娠四月始受水精以成血脉食宜稻粳羹宜魚雁是謂盛血氣以通耳目而行經絡

妊娠四月手少陽脉養不可針灸其經

如關衝陽池內關三陽天

井曲垣等穴是也手少陽內輸三焦四月之時兒六府順成

當靜形體和心志節飲食

妊娠四月有寒心下温温欲嘔胸膈滿不欲食有熱小便難數數如淋狀臍下苦急卒風寒頸項强痛寒

熱或驚動身軀腰背腹痛往來有時胎上迫胸心煩
不得安卒有所下宜服菊花湯

菊花湯方

菊花

雞子大一枚

麥冬

一升

大棗

十二枚

人參

一兩半

甘艸

當歸

各二兩

麻黃

阿膠

各二兩

半夏

四兩

生薑

五兩

右十味咬咀以水八升煮減半內清酒三升并膠

煎取三升分二服溫臥當汗以粉粉之護風寒四

五日一方用烏雌雞一隻煮水煎服

衍義

胎息四月始受水精以成血脉養胎屬手少陽火
氣用事最易損墜若寒鬱火邪惡阻彌甚熱蒸子
藏洩數異常然胎已成形未必便下必卒受風寒
或有所驚動勢難叵測不得不於安胎劑中兼麻
黃一味以開泄之雖與前艾葉湯並用麻黃其間
輕重迥殊餘味大都相類彼以胎未具體固宜艾
葉丹參之溫以助之此以相火養胎又需麥冬菊
花之清以潤之其用半夏者專滌胞門垢膩無慮
辛散傷胎也倘服後汗大出以粉粉之立法雖爾
設本婦力難勝任但當師事其法奚必株守其方

子嘗以紫蘇代麻黃既可散邪又可安胎未嘗不信手合轍也

調中湯 若曾傷四月胎者當預服此方

白芍

生薑

各四兩

厚朴

枳實

生李根白皮

白朮

柴胡

各二兩

續斷

川芎

甘草

各一兩

當歸

一兩半

烏梅

一升

右十二味以水一斗煮取三升分四服日三

夜一八日後復服一劑

衍義

調中者調中土之墩阜坎陷也土為萬物之母一

息不調便生疾苦況曾傷四月之孕至此能無坎
陷乎固之之法阜則削之陷則培之方中枳實厚
朴削平墩阜之劑也白朮甘草運平坎陷之劑也
芎歸芍續疎通泉脉之劑也柴胡李根一升清陽
一降逆氣生薑烏梅一宣上壅一固下脫務令中
州之氣無過不及以平爲期則胎息之運動綽有
餘地孰謂立方之名無深意存焉

妊娠五月始受火精以成其氣臥必晏起沐浴浣衣
深其居處厚其衣服朝吸天光以避寒殃其食稻麥
其羹牛羊和以菜菹調以五味是謂養氣以定五臟

妊娠五月足太陰脉養不可針灸其經如隱白大都公孫商邱三

陰交漏谷陰陵泉等穴是也

足太陰內輸於脾五月之時兒四肢

皆成無大饑無甚飽無食乾燥無自炙熱無太勞倦

妊娠五月多熱苦頭眩心亂嘔吐有寒苦腹滿痛小

便數卒有恐怖四肢疼痛寒熱胎動無常處腹痛悶

頓欲仆卒有所下宜服阿膠湯一固不測發合中

阿膠湯方

阿膠四兩 人參一兩 草薢生薑六兩

當歸白芍 甘草

黃芩各二兩 施覆花二合 吳茱萸七合

麥冬 一升

右十味咬咀以水九升煮藥減半內清酒三升并膠微火煎取三升半分四服日三夜一先食服便愈不瘥再服 一方用烏母雞一隻割取咽血內酒中以水煮雞以前藥減半內酒并膠煎取三升半分四服

衍義

妊娠五月雖屬足太陰養胎然胎息始受火精而能運動務宜養氣以定五臟設有觸動而卒有所下則宜大固氣血以安之方中諸藥皆平調氣血之劑惟旋覆一味不可不講本經治結氣別錄消

胸上痰結甄權開胃止嘔逆仲景治心下痞堅噫
氣不除同葱白新絳治婦人半產漏下合諸治推
之則覆花之用可燎然矣大抵婦人經漏胎息之
病元氣雖虛未有不挾風氣痰濕廢積者觀柏子
仁圓五石澤蘭丸等方自明

安中丸大有曾傷五月胎者當預服此方

黃芩一兩 當歸一兩 芍藥一兩 芎藭一兩 枳實一兩 厚朴一兩 木香一兩 丁香一兩 砂仁一兩 豆蔻一兩 草豆蔻一兩 白豆蔻一兩 胡椒一兩 荳蔻一兩 蘇合一兩 安息一兩 乳香一兩 沒藥一兩 阿膠一兩 龜板一兩 鱉板一兩 虎骨一兩 狗骨一兩 熊骨一兩 鹿骨一兩 虎骨一兩 狗骨一兩 熊骨一兩 鹿骨一兩

乾地黃三兩 人參各二兩 炙甘草二兩 茯苓二兩 白朮二兩 芍藥二兩 芎藭二兩 枳實二兩 厚朴二兩 木香二兩 丁香二兩 砂仁二兩 豆蔻二兩 草豆蔻二兩 白豆蔻二兩 胡椒二兩 荳蔻二兩 蘇合二兩 安息二兩 乳香二兩 沒藥二兩 阿膠二兩 龜板二兩 鱉板二兩 虎骨二兩 狗骨二兩 熊骨二兩 鹿骨二兩

芍藥各二兩 水蘊六兩 麥冬一升 代

五味子代 大麻仁各五合 大棗三十合

右十二味咬咀以水七升清酒五升煮取三升半
分四服日三夜一七日復服一劑

衍義

前調中湯預調曾傷四月之胎此安中湯預安曾
傷五月之胎夫調之與安大費斟酌調則有平治
之權安則無尅削之理彼以脾有蘊積故宜枳實
厚朴以清之此以素虧津液又須生脉四物以濡
之用麻仁者必妊娠素有脾約之故然麻仁在此
方與麻仁丸中不同設非脾約似可勿用若中有
宿滯雖當五月調中何妨倘素稟虧弱縱在四月
安中竟與勿疑規矩不出方圓之外也

妊娠六月始受金精以成其筋身欲微勞無得靜處
出遊於野數觀走犬及視走馬食宜鷲鳥猛獸之肉
是爲變腠理紉筋以養其力以堅背脊

妊娠六月足陽明脉養不可針灸其經

如厲兌豐隆
陰市上下廉

三里等
穴是也

足陽明內屬於胃主口目六月之時兒口目

皆成調五味食甘美無大飽

妊娠六月卒有所動不安寒熱往來腹內脹滿身體
腫驚怖忽有所下腹中如欲產手足煩疼宜服麥冬

湯

麥冬湯方
以水七升煮取三升

麥門冬湯方

以水七升煮取三升
分三服

麥冬 一升

人參

甘艸

黃芩 各二兩

乾地黃 三兩

阿膠 四兩

生薑 六兩

大棗 十五枚

右八味以水七升煮減半內清酒二升并膠煎取

三升分三服中間進糜粥一方用烏母雞一隻

煮水以煎藥

衍義

六月足陽明養胎時兒受金精以成筋骨卒有所

動不安而寒熱往來故宜人參以主驚怖麥冬以

續胃脉地黃以養陰血阿膠以安胎息甘艸以除

腹痛黃芩以清溫熱生薑以消脹滿大棗以和寒

熱煮用清酒取以行諸藥力也一方用烏母雞與
始胚無異可見安胎之用不必固守成則耳
柴胡湯治會傷六月胎者當預服此方

柴胡

四兩

茯苓

一兩

白朮

白芍

一作紫葳

甘艸

麥冬

川芎

各二兩

生薑

六兩

乾地黄

五兩

大棗

三十枚

右十味咬咀以水一斗煮取三升分四服日三夜

一中間進糜粥勿食生冷及堅硬之物七日更服

一劑

義前胎傷在六月法當預培胃氣而反不用參苓必

是妊娠大便艱燥更衣時微有寒熱故用菴蓉柴胡佐麥冬地黃以滋血氣不費努掙胎自安矣設本婦大便不實則退菴蓉而進參苓可預擬也

妊娠七月始受木精以成其骨勞身搖肢無使定止動作屈伸以運血氣居處必燥飲食避寒常食稻粳以密腠理是謂養骨而堅齒

妊娠七月手太陰脈養不可針灸其經

如少商魚際列缺尺澤天

府等穴是也手太陰內屬於肺主皮毛七月之時兒皮毛

以成無大言無號哭無薄衣無洗浴無寒飲

千金方卷之二
三
妊娠七月忽驚恐搖動腹痛卒有所下手足厥冷脉
若傷寒煩熱腹滿短氣常若頸項及腰背強宜服葱
白湯

葱白湯方

葱白

長三四寸
十四莖

半夏

麥冬

各一升

旋覆花

二合

黃芩

一兩

人參

一兩半

甘艸

當歸

黃芪

各三兩

阿膠

四兩

生薑

八兩

右十一味咬咀以水八升煮減半內清酒三升及

膠煎取四升每服一升日三夜一溫臥當汗出若

不出者加麻黃一兩煮服如前法若秋後勿強漬
汗一方以黃母雞一隻割咽取血內酒中煮雞
取汁以煎藥

衍義

金匱三物旋覆花湯治婦人半產漏下旋覆代赭
石湯治胸中痰飲痞逆噫氣不除小柴胡湯治寒
熱痞滿或嘔或欬千金合三法而治妊娠七月手
太陰肺氣養胎時忽驚恐搖動致子之木精不能
內固而卒有所下推其證一一盡顯痰氣逆滿但
以證若傷寒因取葱白之散邪安胎爲一方之主
乃於旋覆花湯中去新絳而用其二旋覆代赭湯

中去赭石小柴胡湯中去柴胡各用其五兼合保
元當歸補血復參阿膠門冬藥止一十一味而祛
風治痰清上補下養血安胎之法畢具無遺方後
復有割黃母雞血內酒中則黃雞宜婦人之說其
來尚矣

杏仁湯 若曾傷七月胎者當預服此方

杏仁

甘草

各二兩

紫苑

一兩

鍾乳

乾薑

各三兩

麥冬

吳茱萸

各一斤

粳米

五合

五味子

三合

右九味咬咀以水八升煮取三升半分四服日三

夜一中間進食七日服一劑 一方用白雞一隻

煮汁煎藥

衍義

七月肺氣養胎時也前胎傷在七月必是肺逆咳嗽之故故立方專以溫肺為主方中鍾乳乾薑芎
芎溫肺之專藥倘肺虛有熱又當推門冬紫苑粳
米以清肺為急需杏仁五味一散一收甘艸和諸
性味使無拒格之虞雖同具一方而主客逆從攸
分不可拘以分兩守株而待其兔也

妊娠八月始受土精以成膚革和心靜息無使氣極
是謂密腠理而光澤顏色

妊娠八月手陽明脉養不可針灸其經

如商陽二間合谷上下廉

三里曲池肩井肩髃等穴是也

手陽明內屬於大腸主九竅八月之

時兒九竅皆成無食燥物無轍失食無忍大起

妊娠八月中風寒有所犯觸身體盡痛乍寒乍熱胎

動不安常苦頭眩痛繞臍下寒時時小便白如米汁

或青或黃或使寒慄腰背苦冷而痛目眊眊宜服芍

藥湯

芍藥湯方

芍藥

生薑

各四兩

厚朴

二兩

甘艸

當歸

白朮

人參

各三兩

薤白

切一升

右八味咬咀以水五升清酒四升合煮取三升分

三服日再夜一一方用烏母雞煮汁以前藥

衍義

胎受土精而成膚革時值母之手陽明養胎陽明

外屬肌膚內應子藏今因風寒所觸而繞臍下寒

則子氣之安危係乎反掌亟取專走陽明之薤白

一味以開泄經氣卽用善護子氣之芍藥助以參

朮當歸生薑甘艸外佐薤白內助芍藥一服而轉

危就安且無風藥動搖胎息之患世醫咸謂葱白

安胎不知薤白之功更勝用厚朴者以其時時小

便有所下借內經潔淨府之一法也

葵子湯 若曾傷八月胎者當預服此方

葵子 二升

甘艸

厚朴

各二兩

白朮

柴胡

各三兩

白芍

四兩

生薑

六兩

大棗

二十枚

右八味咬咀以水九升煮取三升分三服日二凡

十日一劑 而一方用烏母雞一隻煮水以煎藥

衍義

此湯預防曾傷八月之胎而方中除白朮白芍外

餘無可安之味也嘗讀炎帝本經言葵子主治五

藏六腑寒熱羸瘦五癰利小便久服堅骨長肌肉

而此合柴胡甘艸薑棗和榮諸藥必妊娠乍寒乍
熱動不安常方與本經葵子之治相符世人以爲
葵子滑胎孰知有安胎妙用乎今胎在八月兒之
腑臟已具產期漸邇雖滑無妨而堅骨長肌肉之
功未必非胎息默受其益厚朴之用焉知不因小
便之有所下歟設本婦無寒熱而用此方無所下
而用厚朴確遵八月預安之法其驗與否吾不得
而擬議也

妊娠九月始受石精以成皮毛六腑百節莫不畢備
飲醴食甘緩帶自持而待之是謂養毛髮致才力

妊娠九月足少陰脉養不可針灸其經

如湧泉然谷太谿交信築

賓伏溜等穴是也

足少陰內屬於腎腎主續縷九月之時兒

脉續縷皆成無處濕冷無著炙衣

妊娠九月若卒得下痢腹滿懸急胎上衝心腰背痛

不可轉側短氣宜服半夏湯

半夏湯

半夏

三兩

麥冬

各二兩

吳茱萸

一兩

當歸

各二兩

阿膠

各二兩

乾薑

一兩

大棗

十二枚

右七味咬咀以水九升煮取三升去滓內白蜜八

合微火上溫服四服痢卽止一
方用烏母雞一
隻煮汁煎藥

衍義

經云人有重身九月而瘖胎之絡脉絕也當十月
復此言妊娠足少陰養胎兒受石精以成皮毛石
者腎藏之脉與子氣相通則子之藏氣亦實矣今
以孕母卒得下痢腹滿懸急故用半夏以辟腸垢
薑黃以散腹滿歸膠以護榮血冬棗以行津液此
皆恒用之品其理易明獨是白蜜奧旨崇古未講
蓋蜜能通腸而利反用之必四服痢止腸垢去而
正氣復胎自安矣然必臨月始爲合劑不可尋常

效用也內經言九月而瘖此言九月下痢各舉一端爲例豈妊娠九月非瘖必痢乎

猪腎方 若曾傷九月胎者當預服此方

猪腎 一具

茯苓

桑寄生

乾薑

乾地黄

川芎

各三兩

白朮

四兩

附子

中者一枚

大豆

二合

麥冬

一升

右十味咬咀以水一斗煮腎令熟去腎內諸藥煎取三升半分四服日三夜一十日一劑

衍義

孕至九月可無傷損之虞矣以前曾有所墜必是

腎氣虛寒不能司成實之令故用猪腎引領木附
大温腎氣然須十日更與一劑不可多服恐熱遺
子藏反嬰胎毒耳

妊娠十月五臟俱備六腑齊通納天地氣於丹田故
使關節人神皆備俟時而生

妊娠一月始胚二月始膏三月始胞四月形體成五
月能動六月筋骨立七月毛髮生八月藏腑具九月
穀氣入胃十月諸神備日滿卽產矣宜服滑胎藥入
月卽服

丹參膏 養胎臨月服令滑而易產方

丹參 半升

川芎

當歸 各二兩

蜀椒 五合有熱者以大麻仁五合代

右四味咬咀以清酒搜濕停一宿以成煎猪膏四升微火煎膏色赤如血膏成新布絞去滓每日取如棗許內酒中服之不可逆服至臨月乃可服舊

用常驗

衍義

丹參破宿生新統芎歸佛手為滑胎易產之專藥而方中便具活法寒用川椒熱用麻仁各隨母氣之偏勝耳服後猪膏醇酒取其滑澤滋益也苟孕婦中氣不實不特猪膏宜遠麻仁亦難輕試然觀

熱易麻仁一語活法盡情吐露矣

甘艸散 令易生母無疾病未生一月日預服過

三十日行步動作如故兒生墮地皆不自覺方

甘艸 一兩

黃芩 一方用 茯苓

乾薑

吳茱萸

大荳黃卷

麻子仁

桂心

大麥芽 各三兩一方用粳米

右八味治下篩酒服方寸七日三暖水服亦得

衍義

保生易產而用麻仁黃卷麥芽取其安中利竅能

使產時墮地不覺桂心乾薑茱萸取其溫中散血

能使產後腹無留滯甘艸黃芩一和寒熱一化辛

熱也前方以川椒麻仁更迭而適寒熱此以乾薑
桂心黃芩麻仁互配而調寒熱機用之靈活如此
千金圓主養胎治產難顛倒胞不出服一丸傷
毀不下產餘病汗不出煩滿不止氣逆滿以酒

服一丸 一名保生丸

甘艸 貝母 秦椒

大芫黃卷 乾薑 桂心

黃芩 粳米 一作糯米 石斛

石膏 各六銖 當歸 十二銖 麻子 三合

右十二味為末蜜和丸如彈子大每服一丸日三

用棗湯下 一方用蒲黃一兩

衍義

此卽前甘艸散之變法甘艸散方中用桂薑芩甘

麻豆等味爲滑胎而設此治產難胞衣不下亦不

出此但加石斛石膏貝母粳米以清胃之上逆秦

椒以下惡氣與茱萸同爲止逆下氣之味但彼用

散以利運動之機此用丸以祛毀傷之滯取甘艸

散之變法而爲產難之變治也

蒸大黃丸 治妊娠養胎令易產方

大黃

三十銖 蒸

枳實

川芎

白朮

杏仁

各十銖

白芍

乾薑

厚朴 各十
二銖

吳茱萸 一兩

右九味為末蜜和丸如梧子大空腹酒下二九日
三不知稍加之

衍義

養胎而用小承氣用法奇矣小承氣而兼溫養血
氣之味變化尤奇大黃得薑朮則熱可宣通薑朮
得枳厚則辛能開泄加以芎芍和榮杏仁利氣不
特產時兒無阻逆之患并杜產後母無瘀積之虞
然惟質實氣固者宜之若資稟涼薄及虛陽上盛
之婦諒不處是方也

滑胎合易產方

阿膠 八兩

滑石 三兩

車前子 一升

右三味治下篩飲服方寸七日再至生月乃服藥
利九竅不可先服

衍義

此臨產通用之方阿膠益氣滋血滑石益精利竅
車前除濕利水非若上四方之各隨資稟氣血毫
釐不可假借也可見先哲常變之幻神應無窮

妊娠諸病第四

此篇有十章
灸法三首

方八十九首

第一胎動及數墜胎

方六首

灸法一首

治妊娠二三月上至八九月胎動不安腰痛已有

所見方

艾葉

阿膠

川芎 肘後不用

當歸

各三兩

甘艸

二兩

右五味以水八升煮取三升去滓內膠合消分三

服日三

治妊娠胎動去血腰腹痛方

阿膠

二兩

川芎

當歸

青竹茹

各五兩

右四味以水一斗半煮銀二斤取六升去銀內藥

煎取二升半內膠合烱分三服不瘥仍作一方

用甘艸三兩

葱白湯 治妊娠胎動不安腹痛方

葱白

升 切一

阿膠

二兩

當歸

續斷

川芎

各三兩

右五味咬咀以水一斗先煮銀六七兩取七升去
銀內藥煎取二升半下膠令烊分三服不瘥重作
治妊娠胎動晝夜叫呼口噤唇寒及下重痢不息
方

艾葉一升咬咀以好酒五升煮取四升去滓更
煎取一升服口閉者格口灌之藥下即瘥亦治
妊娠腰痛及妊娠熱病并妊娠卒下血

衍義

膠艾而合芎藭爲治胎動要藥須知妊娠下焦血氣虛寒而腰痛者固爲合劑若妊娠虛煩下血而腰腹痛者又須退艾葉而用竹茹并用白金煎水煮服以鎮固肺胃之氣胎自寧矣若妊娠胎動不安而虛陽上浮或時頭痛或時腹痛亦當去艾葉加葱白佐川芎以散上逆之頭痛加川斷佐當歸以安下虛之腹痛二方俱不用甘艸者嫌其甘緩無清上之速應也若妊娠下痢爲下虛不禁又當專任艾葉以溫榮血煮用好酒以助其力卽妊娠病熱腰痛下血亦不出乎溫散之法也

旋覆花湯 治妊娠六七月胎不安常服之方

旋覆花 一兩

半夏

白芍

生薑 各二兩

枳實

厚朴

白朮

黃芩

茯苓 各三兩

右九味咬咀以水一斗煮取二升半分五服日三夜二先食服

衍義

此方專主妊娠氣滯多痰六七月來胎息漸長壅

遏中氣故用旋覆開發痰氣於上即用枳朮健運

脾氣于中苓夏薑朴疎利滯氣于下黃芩白芍專

護胎氣也若妊娠體癯血熱中無痰濕阻礙胎氣

卽與此方無預也

治妊娠數墮胎方

取赤小豆為末酒服方寸七日二亦治妊娠數

月月水尚來者

衍義

數墮必因火盛火能消物故取小豆之色赤通乎

心包而導血熱為散酒服者恐其中有留滯也然

在三四月前有之若逾四月卽是傷胎不可以火

槩論也

又方

妊娠三月灸膝下一寸七壯

第二漏胞 方四首

治妊娠下血如故名曰漏胞胞乾便死方

生地黄半斤咬咀以清酒三升煮三沸絞去滓

服之無時能多服佳

姚大夫加黃雌雞一頭治如食法崔氏取雞血和藥中服之

治妊娠血下不止名曰漏胞血盡子死方

乾地黄搗末以三指撮許酒服不過三服瘥

又方

生地黄汁一升清酒四合煮三四沸頓服不止

頻服

又方

乾薑 二兩

乾地黄 四兩

右二味治下篩酒服方寸七日三服

衍義

漏胎而用地黃必酒煮絞服方無瘀積之患若妊

娠氣血本虛助以雞血尤為得力若脾氣素弱不

勝陰藥潤下者為散酒服以緩圖之若中氣虛寒

難於克運者須配乾薑以鼓地黄之性則安胎止

血兩得其宜矣

第三子煩 方三首

竹瀝湯 治妊娠常苦煩悶此是子煩

竹瀝 一升

麥冬

防風

黃芩

各三兩

茯苓

四兩

右五味以水四升合竹瀝煮取二升分三服不瘥
再作

又方

時時服竹瀝隨多少取瘥止

衍義

煩屬膈上虛火故用竹瀝滋肺化熱防風佐黃芩

使從表分解茯苓佐麥冬使從下滲瀉總以不出

竹瀝竹茹等法如脾氣充實之人不妨時時單服

竹瀝亦能取瘥更與四卷虛煩諸方參看始詳

第四心腹腰痛及脹滿

方二十首

治妊娠心痛方

青竹皮一升以酒二升煮三兩沸頓服之

又方

破生雞子一枚酒和服之

又方

白蜜 三兩

羊脂 八兩

青竹茹 一升

右三味合煎食前頓服如棗核大三枚日三

又方

蜜一升和井底泥泥心下

又方

燒棗二七枚爲末。里便服立愈。

治妊娠腹中痛方

生地黄三斤。搗絞取汁。用清酒一升。合煎減半。

頓服

又方

燒車轄脂。內酒中服。亦治妊娠咳嗽。并產難三

日不出

又方

取蜜一升。頓服良

衍義

懷孕而患胃脘急痛。獨用竹茹酒煮服之。取化無

形之蘊熱也若因血熱而痛又宜生雞子和酒服之若因肺胃燥熱而痛則用白蜜羊脂與竹茹合服或單取熟蜜服之并以蜜和井泥塗心下總取保護胎氣也若因胃虛有熱留滯燒棗童便服之若因血熱不能養胎而腹痛者生地搗絞和酒服之與漏胎下血無異妊娠腹中澀痛燒車轄脂內酒中服之專主卒心病及咳嗽難產不能出此專取滑澤利垢之用也

治妊娠腹中滿痛義不得飲食方

黃芩 三兩

白芩 四兩

白朮 六兩

右三味咬咀以水六升煮取三升分三服半日合藥盡微下水令易生月飲一劑爲善

治妊娠忽苦心腹痛方

燒鹽令赤熱三指撮許酒服之立瘥

治妊娠傷胎結血心腹痛方

取小兒尿二升頓立瘥大良

衍義

黃芩白朮爲安胎專藥以黃芩清熱白朮固土土

厚自能載物此惟胎熱不安而上升過動者宜之

若腹滿义心又爲營氣不能榮養而胎動不安又

需芍藥之酸寒以斂固之使小便微利則機關順

利而生產亦易此皆治胎熱之用也其心腹忽痛
用燒鹽取鹹以潤下也傷胎血結用小便取寒以
導血也是皆因熱而上逆之治設母氣本虛不能
榮養胎氣而下墜腹痛又當峻用參朮兼溫補而
升舉之非黃芩白芍燒鹽小便等可得而干預也
治妊娠中惡心腹痛方

新生雞子二枚破著杯中以糯米粉和如粥頓
服亦治妊娠卒胎動不安或但腰痛或胎轉搶
心或下血不止

又方

其以水三升洗夫靴剔汁温服

治妊娠中蠱心腹痛方

燒敗鼓皮酒服方寸匕須臾自呼蠱主姓名

治妊娠腰痛方

大豆二升以酒三升煮取二升頓服之亦治常

又人卒腰痛者

又方干氣煮末水服之七日三服

又麻子三升以水五升煮取汁三升分五服亦治

又心痛

又方

鼓 二兩

榆白皮 三兩

右二味熟搗蜜丸如梧子大服二十九亦治心痛

又方

燒牛屎焦末水服方寸七日三服

又方

地黃汁八合酒五合合煎溫服

治妊娠脹滿方

取秤鎚燒之淬酒中服良亦治妊娠卒下血

衍義

新生雞子肘後主妊娠心痛藏器治胎痛下血取

其能解一切諸毒也敗鼓皮治一切蠱毒梅師治

中毒下血如鷺肝心腹切痛如咬取其能散瘀毒也黑大豆淋酒頓服善解婦人風毒下血腰痛勢甚者宜之香豉榆皮丸服淹久者用之麻子汁治妊娠心痛腰痛取降氣分之火也地黃汁治妊娠腰痛取降血分之火也燒稗鎚淬酒取辟惡氣散惡血也各審其宜而用之

第五傷寒方一十六首

治妊娠傷寒頭痛壯熱肢節煩疼方

石膏

八兩

大青

黃芩

各三兩

葱白

升切一

前胡

知母

梔子仁 各四兩

右七味咬咀以水七升煮取二升半去滓分五服

相去如人行七八里久再服

治妊娠頭痛壯熱心煩嘔吐不下食方

知母 四兩

粳米 五合

生蘆根 一升

青竹茹 三兩

右四味以水五升煮取二升半緩緩飲之盡更作

瘥止

治妊娠傷寒服湯後頭痛壯熱不歇宜用此湯拭

其身

麻黃

半觔

竹葉

切一升

石膏

三升為末

右三味以水五升煮取一升去滓冷用拭身體又

以故布揜頭額胸心燥則易之患瘧者加恒山五

兩

治妊娠傷寒方

葱白

十莖

生薑

二兩切

右二味以水三升煮取一升半頓服取汗

治妊娠中風寒熱腹中絞痛不可針灸方

鯽魚一頭燒作灰擣末酒服方寸七取汗

治妊娠遭時疾令子不落方

千金方卷二
取竈中黃土水和塗臍乾復塗之一方酒和塗
方五寸又泔清和塗並佳

又方

犬尿泥塗腹勿令乾

治妊娠熱病方

葱白

五兩

豆豉

一升

右二味以水六升煮取二升分三服取汗

又方

葱白一把以水三升煮令熟服之取汗食葱令

盡亦主安胎若胎已死者須臾即出

又方

車轄脂酒服大良

又方

井底泥泥心下三寸立愈

又方

青羊屎塗腹上

又方

水服伏龍肝一雞子大

治大熱煩悶者方

葛根汁二升分三服如人行五里久進一服

又方

燒大棗七枚爲末酒和服

又方

槐實燒灰取方寸七酒和服

衍義

傷寒之端緒頗繁而妊娠傷寒尤爲扼腕豈此十

餘例可得而槩治乎當知表裏和解等治與平人

無異但須無礙子氣爲之大綱所以千金但舉化

熱保胎及單方塗臍等法彙次如左其第一方以

石膏大青苓梔知母疾祛蘊熱從內而解葱白前

胡分其上熱之勢從經而散爲溫熱時行之的方

而熱邪內傷胎氣亦不出此其第二方乃彷彿白
虎之製取知母粳米以化胃熱蘆根竹茹專治煩
嘔也若服湯不解則用竹葉石膏與麻黃煮湯拭
體并搗頭額胸心取其通達腠理免致熱邪內犯
子氣之患其用葱白豆豉用葱白生薑各有微義
取豉能解久伏之氣薑能散暴感之邪或但煮葱
服取汗亦得用葛根者專解陽明經熱也用鯽魚
灰者專主脾火上逆也用槐實灰者專主太腸燥
熱也用車轄脂者專主腹中緩急也用棗灰者專
主胃府蘊熱也二方主妊娠心腹腰痛治例相類

但彼治內火故用尿服此治外熱故用酒服稍通
權變耳用伏龍肝者專主子氣不固并取塗臍及
犬矢泥青羊尿并底泥塗並佳虛寒則用伏龍肝
犬矢泥虛熱則用青羊尿大熱則用并底泥若心
腹大熱絞痛和蜜塗之各分寒熱輕重爲當

第六癰病

方二首

妊娠患癰方

恆山 二兩

甘草 一兩

黃芩 三兩

烏梅

十四枚

石膏

八兩

右五味咬咀以酒水各一升半合漬藥一宿煮三

四沸去滓初服六合次服四合後服二合凡三服

又方

恆山

竹葉

各三兩

石膏

八兩

粳米

一百粒崔氏外臺作糯米集驗救急作林米

右四味咬咀以水六升煮取二升半去滓分三服

第一服取未發前一食頃服之第二服取臨欲發

服之餘一服用以塗頭額及胸前五心藥漬置頭

邊當一日勿近水及進飲食過發後乃進粥食

衍義

夫瘧家之畏常山猶傷寒家之畏麻黃也而妊娠之瘧用之不疑良因寒熱勢甚胎之安危在乎反

掌故二方悉首推之而又各取白虎之半一用石
膏甘草兼黃芩以護子氣烏梅以收津液一用石
膏粳米兼竹葉以清心包總以化熱保胎爲務其
後方乃留一服以塗頭額胸心與傷寒用麻黃竹
葉石膏拭體之法不殊夫麻黃恆山之性雖猛然
用酢製透原無汗脫胎傷之患倘妊娠素稟虛羸
不妨但效其法改用白虎加人參加桂枝加草果
加半夏等未嘗不爲金匱千金法外之法耳

第七下血

方十一首

治妊娠忽暴下血數升胎燥不動方

榆白皮 三兩

當歸

生薑 各二兩

乾地黄 四兩

葵子 一升 肘後不用

右五味以水五升煮取二升半分三服不瘥更作服之

衍義

忽暴下血而胎不運動須防隕墜故用地黃當歸和血之味即兼榆皮葵子利竅之品一以分利滲道使血化之水不致混亂榮血而妄行一以疎利機竅乘勢當下則下庶免胎乾阻閣之虞用生薑者專取辛散以通血氣之滯也

馬通湯 治妊娠卒驚奔走或從高墮下暴出血

數升方

馬通汁

一升

乾地黄

阿膠

各四兩

當歸

艾葉

各三兩

右五味咬咀以水五升煮取二升半去滓內馬通

汁及膠合烱分三服不瘥重作

膠艾湯 治妊娠二三月上至七八月其人頓仆

失踞胎動不下傷損腰腹痛欲死若有所見及

胎奔上搶心短氣方

艾葉

三兩

阿膠

川芎

白芍

甘草

當歸

各二兩

乾地黄 四兩

右七味咬咀以水五升好酒三升合煮取三升去

滓內膠更上火令盡消分三服日三不瘥更作

治妊娠卒下血方

葵子一升以水五升煮取二升分三服瘥止

又方

生地黃切一升以酒五升煮取三升分三服亦

治落身後血

又方

取葵根莖燒作灰以酒服方寸七日三服瘥

義衍

因墮仆卒驚而血驟下故需馬通散血歸地和榮
膠艾安胎以急救之若頓仆失踞而胎動不安卽
有所見其勢較前稍緩但用膠艾芍歸甘草加入
地黃芍藥和血安胎可也其葵子葵莖總取滑利
地黃酒煮用以散血然必勢甚故乃用之倘有可
安之機諒不輕用也

蠚爪湯

治妊娠僵仆失據胎動轉上捨心甚者

血從口出逆不得息或注上下血一斗五升胎

不出子死則寒熨人腹中急如產狀虛乏少氣

困頓欲死煩悶反覆服藥母得卽安下血亦止

其當產者立生方

鱗爪 一升

甘草

桂心 各二尺

阿膠 二兩

右四味咬咀以東流水一斗煮取三升去滓內膠
烊盡能為一服佳不能者食頃再服若口急不能
飲者格口灌之藥下便活也與母俱生若胎已死
獨母活也若不僵仆平安妊娠無有所見下血服
此湯即止或云桂不安胎亦未必爾

衍義

胎傷下血已劇勢難保全急當散血以救其母方
用鱗爪桂心温散積滯阿膠甘草和血安中遲則

難於爲力矣若胎息未損仍得子母雙全設胎氣
已傷而不急下并母亦不得而救也 蠲性橫行
破血故妊娠忌食而傷胎下血子死腹中下胞衣
方多用之以其觸之卽脫格物致知之道也 血氣
治妊娠胎墮下血不止方

丹參十二兩咬咀以清酒五升煮取三升分三
服温日三

又方

地黃汁和代赭爲末服方寸匕

又方

桑蠟蟲屎燒灰酒服方寸七

香豉湯 治半產下血不盡苦來去煩滿欲死方

香豉一升半以水三升煮三沸漉去滓內鹿角

末一方寸匕頓服之須臾血自下鹿角燒亦得

衍義

丹參一味功同四物更用酒煎以和其榮丹方中

之良藥也其地黃汁和代赭末服是因去血過多

而鎮攝之也若半產血脫而煩則用鹿角溫散積

血於下香豉清解虛煩於上而腹滿自除無藉破

血而瘀自不能留矣

第八小便病

方十五首

灸法一首

治妊娠小便不利方

葵子 一升

榆白皮 一把

右二味以水五升煮五沸每服一升日三

又方

葵子

茯苓 各一兩

右二味為末以水服方寸匕日三小便利則止

仲景

云妊娠有水氣身重小便不利灑淅惡寒起即頭眩

治妊娠患子淋方

葵子一升以水三升煮取二升分再服

又方

葵根一把以水三升煮取二升分再服

治妊娠小便不通利方

蕪菁子七合爲末水和服方寸七日三

衍義

妊娠溺滯子淋皆膀胱氣化之阻積故用葵子榆

皮之滑澤利竅與葵子茯苓之甘寒淡滲及單取

葵子葵根甚則蕪菁子一味爲散以取疏利之專

功也

治妊娠尿血方

黍穰燒灰酒服方寸七日三

治婦人無故尿血方

龍骨五兩治下篩酒服方寸七空腹服日三久
者二十服愈

又方

爪甲

亂髮

右二味並燒末等分酒服方寸七日三飲服亦得

又方

桂心

鹿角屑

大豆黃卷

各一兩

右三味治下篩酒服方寸七日三

又方

取夫爪甲燒作灰酒服之

又方

取故缸上竹茹曝乾擣末酒服方寸七日三亦

主遺尿

衍義

妊娠尿血必非無故急需散血為主故用黍穰

小郎

米之穗

燒灰不特散血兼可安中宜乎妊娠用之若

婦人尿血雖云無故亦必有傷於血故用爪甲髮

灰爪為筋之餘髮為血之餘總取散血之用耳若

血脫過多而色稀淡中無阻滯者又須龍骨以斂

固之其桂心鹿角溫血散血大豆黃卷本經雖主

筋攣膝痛孟詵言破婦人惡血葶藥中多用之

得桂心鹿角共襄散血之功而無傷中之患虛寒者宜加用之

治婦人遺尿不知出時方

白薇

芍藥

各一兩

右二味治下篩酒服方寸七日三

又方

礬石

牡蠣

各二兩

右二味治下篩酒服方寸七亦治丈夫

又方

胡燕窠中草燒末酒服半錢七亦治丈夫

又方

燒遺尿人薦草灰服之瘥

又方

灸橫骨當陰門七壯

衍義

二方各有功用若肺胃熱移於下而遺尿者用白
薇以清膀胱之上源芍藥以收內胞之津氣若膀胱
氣脫不收而遺尿者用礬石牡蠣之酸澹以斂
固之然必火衰於下者宜之倘濕熱癰閉候用則
與戈戟無異也

第九下痢

方八首 灸法一首

治妊娠下痢方

人參

黃芩

酸石榴皮

各三兩

檉皮

四兩

粳米

三合

右五味咬咀以水七升煮取二升半分三服

衍義

脾胃為身之津梁脾氣固則胎氣亦固故妊娠滯

下專宜固脾為主雖有積滯止宜苦寒以堅腸胃

胃氣有權則積氣自除此方之用檉皮專主斷痢

黃芩專護胎熱榴皮專司固脫人參粳米專扶中

氣并助上三味之力也

又方

白楊皮一觔咬咀以水一大升煮取二小升分

三服

衍義

白楊皮不獨主妊娠下痢兼能利水去風痺宿血

水血去而痢自止胎自安矣

又方

燒中衣帶三寸爲末服之

又方

羊脂如碁子六十枚温酒一升投中頓服之日

三

衍義

諸脂滑利傷脾動瀉獨羊脂性熱止下痢治脫肛

能治產後腹中絞痛故千金用之本草言其柔金
奠銅其滌除腸垢之力可知

治妊娠患膿血赤帶魚腦白滯臍腹絞痛不可忍
者方

薤白

切一升

酸石榴皮

黃蘗

各三兩產實作黃連

阿膠

二兩

地榆

四兩

右五味咬咀以水七升煮取二升半分三服不瘥
更作

衍義

薤白溫中散結專主胸痺結痛南陽治腹痛下重

能泄陽明氣滯樞皮酸瀉黃柏苦堅阿膠溫補地

止血爲冷熱痢要方以有薤白温中之功無慮

止澀之患也

娠注下不止方

少

艾葉 酸石榴皮

各二兩

石三味以水七升煮取二升去滓內膠冷烱分三服

衍義

艾葉温血阿膠佐之榴皮固脫艾葉輔之允爲安胎斷痢之專藥不在藥味之繁多也

治妊娠及產已寒熱下痢方

黃連 一升

黃柏 一升

梔子 三十枚

右三味咬咀以水五升漬一宿煮三沸服一升一
日一夜令盡嘔者加橘皮一兩生薑二兩亦治丈
夫常痢

衍義

苦燥之藥能堅腸胃故用連柏以辟除濕熱梔子
以疎通滲道勝於黃芩之但能安胎而無決渠通
利之用也方後有云嘔加薑橘雖言治嘔而能運
行中氣鼓舞藥力縱無嘔逆亦宜用之

治婦人欲痢輒先心痛腹脹滿日夜五六十行方

石榴皮

麴各八兩

黃蘗一作麥蘗

烏梅肉

川連

艾各一兩

防已

二兩一作防風

阿膠

乾薑

各三兩

附子

五兩

右十味為末蜜和丸如梧子大飲服二十九日三

漸加至三四十丸

衍義

下痢腹脹滿濁陰內結也非薑附無以散之欲痢

輒先心痛濕熱泛溢也非連柏無以折之濁濕阻

滯非防麴無以泄之血液不守非膠艾無以安之

津液脫亡非梅檮無以固之然須蜜丸欸畱藥質

於中非特津液可禦而薑附之性亦不致於驟發

庶腹中之寒熱和而滯下瘳矣

治婦人水洩痢方

灸氣海百壯三報

第十水腫

方五首

治妊娠體腫有水氣心腹急滿方

茯苓

白朮

各四兩崔氏無朮

黃芩

杏仁

各三兩

旋覆花

一兩

右五味咬咀以水六升取二升半分三服

衍義

此方專主肺氣不降而喘脹逆滿故用杏仁旋覆
專利膈上之痰氣茯苓白朮專利腹中之水氣黃

芩一味專清胎息之熱氣也

鯉魚湯 治妊娠腹大胎間有水氣方

鯉魚 一頭 二斤

白朮

生薑 各五兩

白芍

當歸 各三兩

茯苓 四兩

右六味咬咀以水一斗二升先煮魚熟澄清取八

升內藥煎取三升分五服

衍義

此方專主脾氣不化而水溢胞宮故用鯉魚專行

利水苓朮專行燥濕歸芍專行護胎生薑專行辛

散使周身之樞機利而水自除矣

治妊娠毒腫方

蕪菁根洗淨去皮搗酢和如薄泥勿令有汁猛

火煮二三沸適性薄腫以帛急裹之日再易寒

時溫覆非根時用子若腫在咽中取汁含嚥之

又方

燒獐牛尿酢和傅之乾則易亦可服方寸七日

三專主眼赤不出而水益眼效限驗魚骨

衍義

前治小便不通用蕪菁子為散水服此治妊娠周

身毒腫用蕪菁根和酢擣敷總取下氣消腫之功

也

治妊娠手脚皆腫攣急方

赤小豆 五升 商陸根 一斤

切

右二味以水三斗煮取一斗稍稍飲之盡更作

一方加澤漆一斤

衍義

此方專主濁濕暴腫故用商陸峻攻而兼赤豆之

清心利水苟涉虛羸未可輕試

產難第五

論一首八條 針法一首

方二十二首

論曰產婦雖是穢惡然將痛之時及未產已產並不

得令死喪污穢家人來視之則生難若已產者則傷

兒也

婦人產乳忌反支月若值此月當在牛皮上若灰上

勿令水血惡物著地則殺人及浣濯衣水皆以器盛

過此忌月乃止

凡生產不依產圖脫有犯觸於後母子皆死若不至死卽母子俱病庶事皆不稱心若能依圖無所犯觸母卽無病子亦易養

凡欲產時特忌多人瞻視惟得二三人傍待產訖乃可告語諸人也若人衆看視無不難產

凡產婦第一不得忽忽忙怕傍人極須穩審皆不得預緩預急及憂悒憂悒則難產若腹痛眼中火生此兒迴轉未卽生也兒出訖一切人及母皆忌問是男是女兒始落地與新汲井水五咽忌與暖湯物勿令

母看視穢汚

凡產婦慎食熱藥熱麵食常識此飲食當如人肌温
温也

凡欲臨產時必先脫尋常所著衣以籠竈頭及竈口
令至密卽易產也

凡產難及子死腹中并逆生與胞胎不出諸篇方可
通檢用之

治產難或半生或胎不下或子死腹中或著脊及
坐草數日不產血氣上搶心母面無顏色氣欲絕
者方

醇酒 二升

白蜜

成煎猪膏 各一升

右三味合煎取二升分再服不能再服可隨所能服之治產後惡血不除上搶心痛煩急者以地黃汁代醇酒

衍義

方宜水土南北懸殊西北風高土厚民多稟氣剛燥故宜上法滋之非若東南水土卑弱耑力保脾尚恐產後元氣不固之比

治難產方

槐枝

切二升

榆白皮

切

大麻仁

各一升

瞿麥

通草

各三兩

牛膝

五兩

右六味咬咀以水一斗二升煮取三升半分五服

又方

吞皂莢子二枚

又方

取厠前已用草二七枚燒灰水調服之

又方

令夫唾婦口中二七過立出

又方

針兩肩井入一寸寫之須臾卽分娩

治產難三日不出方

取鼠頭燒作屑并花水服方寸匕日三

又方

車軸脂吞大豆許兩丸

又方

燒藥杵令赤內酒中飲之

又方

燒大刀鑿以酒一杯沃之頓服卽出救死不分

媿者

治產難累日氣力乏盡不得生此是宿有病者方

阿膠

二兩

赤小豆

二升

右二味以水九升煮豆令熟去滓內膠令烊每服五合不覺更服不過三服即出

又方

槐子

十四枚

蒲黃

一合

右二味合內酒中温服須臾不生再服之水服亦

得

又方

生薑汁

生地汁

各半升

右二味合煎熟頓服之

治產難及日月未足欲產者方

知母一兩爲末蜜丸如兔屎大每服一九痛不
止更一九

羚羊角散 治產後心悶是血氣上衝心所致者

方

羚羊角一枚燒作灰治下篩以東流水服方寸

匕若不瘥須臾再服取悶瘥乃止

又方

羖羊角燒作灰以溫酒服方寸匕不瘥須臾再

進

備急方以
治產難

治產乳運絕方

半夏一兩搗篩丸如大豆內鼻孔中即愈

此扁鵲法也

又方

神麩末水服方寸匕亦治難產

又方

赤小豆搗為散以東流水服方寸匕不瘥更服

又方

含醞醋喫面即愈凡悶即喫之

又方

取醞醋和產血如棗大服之

治心悶方

產後心悶眼不得開卽當頂上取髮如兩指大

強以人牽之眼卽開

衍義

產難用滑澤利竅之藥爲之通例若平昔脾氣不

固者則牛膝麻仁亦宜斟酌若氣弱之婦愈用滑

利則胎氣愈陷產門愈阻非峻用人參固氣不能

助之使下孰謂催生之法一言可蔽哉如產難用

燒鼠頭者取其屬腎而性善竄也用車軸脂者取

其滑利而善轉運也用刀鑲酒者取其剛決而能

鎮攝諸邪也用阿膠赤小豆者取其滋血而兼利

水達竅也用槐子蒲黃者取其散血而清子藏之

熱也用地薑汁者取其滋血而通經脈之滯也用
知母者取其滋陰專清子戶之火也用羚羊角燒
灰酒服者取其舒筋而開竅散血也用羶羊角燒
灰酒服者取其散血通治產後餘疾也用神麩末
者取其健運而散留積之滯也用赤小豆者取其
利水而能清熱散血也用半夏搐鼻者取其善嚏
而能開發諸竅也用麝醋喫面者取其辟惡而能
收攝神氣也牽頂門髮者令其上引不使隨氣下
脫也

術義

難產藥多不應不獲已而廣輯丹方及外助諸法

以祈僥倖庶便隨宜採擇以濟急需觀後橫生子
死胞衣不出等例與此互參自明

子死腹中第六 論一首 方十七首

論曰凡婦人產難死生之候母面赤舌青者兒死母
活母唇口青口兩邊沫出者母子俱死母面青舌赤
口中沫出者母死子活

治動胎及產難子死腹中并妊娠兩兒一死一生
服之令死者出生者安神驗方

蠟爪 一升
甘草 二尺
阿膠 三兩

右三味以東流水一斗先煮蠟爪甘草得三升去

滓次內膠令烊頓服之不能分再服若人困拗口
內藥藥入卽活煎藥作東向竈用葦薪煮之

真珠湯

治胎死腹中方

熟真珠 一兩

榆白皮

切一升

右二味以苦酒三升煮取二升頓服之立出

治子死腹中不出方

牛矢塗母腹上立出

又方

取竈心黃土三指撮以酒服之立出土當著兒
頭上亦治逆生及橫生不出手足先見者

又方

取夫尿三升者令沸飲之

又方

酢二升搗口灌之

又方

吞槐子二七枚亦治逆生

又方

三家雞卵各一枚三家鹽各一撮三家水各一

升合煮令產婦東向飲之立出

又方

內雞卵一枚三家鹽各一撮三家水各一升合煮令產婦東向飲之立出

宜瞿麥一斤以水八升煮取二升一服一升不出
再服

治胎死腹中乾燥著背方

葵子 一升
阿膠 五兩

右二味以水五升煮取二升頓服之未出再煮服
治妊娠未足月而胎卒死不出其母欲死方

以苦酒濃煮大豆每服一升死胎立出不能頓
服分再服 一方用醇酒煮大豆亦治積聚成

瘕

治妊娠胎死腹中若子生胞衣不出腹中引腰背

痛方

甘艸 一尺

筒桂 四寸

雞子 一枚

蒲黃 二合

香豉 二升

右五味以水六升頓服之胎胞穢惡盡去大良

衍義

難產取效甚難而下死胎胞衣尤為最難惟蠮爪

湯一方素推摧生第一得效後世免腦丸能下生

胎不能下死胎以其無氣運動全賴穩嫗之用力

得宜也此即前下血方中蠮爪湯於中除去桂心

加用甘艸阿膠也夫桂心溫散之品子死腹中正

宜加用而反去之必本婦去血過多恐復走血而

不使用非此證之不當用桂也觀此例後方有用
甘艸筒桂雞子蒲黃香豉者與此頗同但此用阿
膠專補榮血甘艸專培胃氣彼以蒲桂專行血滯
香豉專主虛煩而方下不言以俟用方者之自悟
耳用葵子阿膠者亦因產婦本弱不勝破血但與
和榮利竅也用真珠榆皮者取其鹹寒降泄能下
死胎胞衣也用醋煮大豆酒煮大豆者總取黑豆
之主傷中淋露也其酒之與醋則有行止之分勿
以尋常食品而忽諸用瞿麥煮服者本經所謂墮
子下血閉也用槐子吞之者甄權專治大熱難產

也。用竈土酒服者，別錄首治婦人崩中，取其溫散積垢也。用夫尿飲之者，取其能降惡血，同氣相召。如磁引鐵也。用牛屎塗腹者，產寶專主子死腹中，取其穢惡以滌穢惡之滯血也。

治妊娠得病須去胎方

以雞子一枚，鹽三指撮，和服立下。

此與阮河南療難產相同。

又方

麥芽一升，爲末，蜜和一升，服之立下。

又方

七月七日神麴二升，酢一升，煮兩沸，宿不食平。

又旦頓服之卽下

又方

大麥麴五升酒一斗煮三沸去滓分五服合盡

當宿勿食其子如糜令母肥盛無疾苦

衍義

母氣子氣兩相爲命此以母病去胎是必勢難兩

保姑取混沌未分之氣加以醎潤輔之猶木之將

萎畧得微風絲雨其實卽墮也若胎氣有力雖毒

藥屢攻尚且牢不可動況雞卵食鹽尋常食品可

下乎其用麥芽用神麴用麥麴用蜜調用酢煮用

酒煎雖緩急輕重不侔而伐胃耗氣則一其酒煎

麥麩不特下胎并能絕孕然必母氣素充故能勝
任而服之反能肥盛無疾稍涉虛羸恐難輕試

逆生第七

論一首

方十四首

論曰凡產難或兒橫生側生或手足先出可以針錐
刺兒手足入一二分許兒得痛驚轉卽縮自當迴順
也

治逆生方

以鹽塗兒足底又可急爪搔之并以鹽摩產婦
腹上卽愈

又方

以鹽和粉塗兒足下卽順

子母秘錄云以鹽和胡粉

又方

取梁上塵如彈丸許二枚治末三指撮温酒服

之

治逆生及橫生不出手足先見者方

燒蛇蛻皮爲末服一刀圭

亦云三撮

面向東酒服卽

順

又方

取蟬蛻二枚治爲末三指撮許温酒服之

崔氏外臺

子母秘錄作彈丸

二枚爲末酒服

又方

取夫陰毛二七莖燒以猪膏和丸如大豆吞之
兒手卽持丸出神驗

又方

取蛇蛻皮燒灰猪膏和丸向東服

又方

以手中指取釜底墨交畫兒足下卽便順生

又方

取父名書兒足下卽順生

治橫生及足先出者方

取梁上塵竈突墨酒服之

又方

取車轄中脂書兒足下及掌中

治縱橫生不可出者方

兔絲子末酒若米汁服方寸匕卽生車前亦好

專服如上法

又方

以水苦酒服竈突墨塵

治產時子但趨穀道方

熬鹽熨之自止

衍義

子不順下皆緣母氣之逆雖有方藥遽難爲力所以千金僅取丹方以祈專力如用蛇蛻蟬殼者取其穎脫之速也用竈突墨梁上塵者取其能辟垢穢破積血也用兔絲者取其能續傷故千金聖惠專治橫生其補腎肝利水道與車前不殊也以鹽塗兒足底者欲令縮入轉而順下也以車轄脂書兒足掌者取其滑澤易於轉下也以鹽包熱熨母穀道者欲令避熱而趨正道也蓋鹽性順下故產逆恒用之

胞胎不出第八方二十二首

牛膝湯 治產兒胞衣不出令胞爛方

牛膝

瞿麥

當歸

通艸

各一兩半

滑石

二兩一作桂心二兩

葵子

八兩

右六味咬咀以水九升煮取三升分三服

治產難胞衣不出橫倒者及兒死腹中母氣欲絕

方

半夏

白斂

各二兩

右二味治下篩服方寸匕產難一服橫生二服倒

生三服兒死四服亦可加代赭瞿麥各二兩為佳

治胎死腹中若母病欲下之方

取榆白皮細切煮汁三升服之即下難生者亦

佳

又方刺不請服

生地汁一升苦酒三合令暖服之不能頓服分

再服亦得

又方

牛膝三兩 葵子一升

右二味以水七升煮取三升分三服

又方

澤蘭葉三兩 滑石五合 生麻油二合

右三味以水一升半煮澤蘭取七合去滓內滑石
蘇油頓服之

治胞衣不出方

又方
取小麥合小豆煮令濃飲其汁立出亦治橫逆
生者

又方

瓜瓣二七枚服之立出良

又方

取水煮弓弩弦飲五合卽出亦可燒灰酒服

又方

又取宅中所埋柱掘出取坎底當柱下土如鷄子

大酒和服之良效正合噴出亦可熱酒酌服

又方

墨三寸為末酒服立出夏服之不能噴服

又方

取蒲黃如棗許以井花水服

又方

苦酒服真珠一兩

又方

鷄子一枚苦酒一合和飲之

治逆生胎不出方

竈上墨以酒煮一兩沸取汁飲之

治產後胞不得出方

井底土如鷄子中黃以井花水和服立出

治子死腹中若衣不出欲上搶心方

急取蟻蛭土三升熬令熱囊盛熨心下令胎不
得上搶心良

又方

末竈突中墨三指撮許以水苦酒調服立出當

著兒頭生

又方

取夫內衣蓋井上立出

又方

取炊蔽當戶前燒服之

衍義

下胞衣較之下死胎愈難爲力縱儘力用藥助效
良難如牛膝湯爲下胞衣之專藥所謂諸味一皆
淡滲利竅之品旣服之後關竅稍開急須乘機速
取或令嚼髮取嘔或與搐鼻取嚏以助藥勢轉危
就安在乎一瞬失此機宜關竅緊閉雖有神丹將
何措指其次則用半夏白斂二味以半夏辛潤能

行濕而通大便利竅而泄小便別錄言其墮胎其
祛逐穢惡之性可知白斂世隸外科而本經主女
子陰中腫痛帶下赤白則下氣散血之功亦是不
凡而肥盛多痰之母尤爲合轍加代赭瞿麥者用
以鎮攝逆氣而利關竅也用榆皮用牛膝葵子用
澤蘭滑石蘇油咸取滑澤利竅而各司其用也用
瓜瓣者取其能散結聚破膿血不特治腸壅之用
也其鷄子苦酒及苦酒真珠二方與前子死腹中
同榆白皮用不殊但彼用榆皮以利阻滯之竅此
用苦酒以收耗散之神稍爲異治耳用小麥小豆

者取小豆之利竅小麥主漏血并令女人易孕也
用蒲黃者取其能散血而胞衣亦得易下也用地
黃汁者取其能散血室之熱也用井底泥者取其
能下腹中之熱也用弓弩弦者取其迅發之疾也
用蟻蛭土者取其善穴而運動不息故千金藏器
皆用以揜心下令胎不上捨心也已上諸治雖皆
得驗成方然間有寒滑傷脾難以槩施如井泥藤
油之類皆是西北治例故欲用其方須詳方宜水
土要在臨病之審辨耳

下乳第九

方二十一首

鐘乳湯 治婦人乳無汁方

石鐘乳

消石

一用滑石

白石脂

各六兩

通艸

十二銖

桔梗

半兩

右五味咬咀以水五升煮三沸三上三下去滓內

消石令烱分服

又方

石鐘乳

通艸

各等分

右二味爲末粥飲服方寸七日三後可兼養兩兒

通艸橫心者是勿取
羊桃根色黃無益

一方二味酒五升漬一宿

明旦煮沸去滓服一升日三夏冷服冬溫服

又方

石鐘乳

四兩

甘艸

二兩

漏蘆

三兩

通艸

括蕞根

各五兩

右五味咬咀以水一斗煮取三升分三服

一云用括蕞實

一枚

又方

石鐘乳

通艸

各一兩

漏蘆

半兩

桂心

甘艸

括蕞根

各六銖

右六味治下篩酒服方寸匕日三最驗

又方

石鐘乳

漏蘆 各二兩

右二味治下篩飲服方寸匕卽下

漏蘆湯 治同前

漏蘆

通艸 各二兩

石鐘乳 一兩

黍米 一升

右四味咬咀米宿漬搯取汁三升煮藥三沸去

滓作飲飲之日三

漏蘆散 治同前

漏蘆 半兩

石鐘乳

括蕞根 各一兩

蟾螬 三合

右四味治下篩先食糖水服方寸七日三

單行石膏湯 治同前

石膏四兩研細以水二升煮三沸稍稍服一日

合盡

麥門冬散 治同前

麥冬 通艸

理石

石鐘乳

右四味各等分治下篩先食酒服方寸七日三

又方

麥冬

通艸

理石

石鐘乳

土瓜根

大棗

蟾螬

右七味等分治下篩食畢用酒服方寸七日三

又方

母猪蹄一具麤切以水二斗熟煮得五六升汁

飲之不出更作

又方

猪蹄

二枚熟炙槌碎

通艸

八兩切細

右二味以酒一斗浸之稍稍飲盡不出更作

外臺猪蹄

不炙以水一斗煮取四升入酒四升更煮飲之

又方

括萋根切一升酒四升煮三沸去滓分三服

又方

括萋根

漏蘆 各三兩

石鐘乳 四兩

白頭翁 一兩

滑石

通艸 各二兩

右六味治下篩以酒服方寸七日三

又方

取括萋子尚青色大者一枚熟擣以白酒一斗

煮四升去滓温服一升日三黃色小者用二枚

亦好

又方

土瓜根治下篩服半錢七日三乳如流水

單行鬼箭湯 治同前

鬼箭五兩以水六升煮取四升每服八合日三

亦可燒作灰水服方寸七日三

甘艸散 治同前

甘艸 一兩

通艸 三十

石鐘乳 二十

雲母 二兩

屋上散艸 一把燒

右五味治下篩先食漏蘆湯服方寸七日三乳下

止

又方

燒死鼠作屑酒服方寸七日三五下勿令知

又方

燒鯉魚頭爲末酒服三指撮

鯽魚湯 下乳汁方

鯽魚

一尾長七寸

猪肪

半斤切

漏蘆

石鐘乳

各八兩

右四味以清酒一斗二升合煮魚熟藥成絞去滓

適寒温分五服其間相去須臾一飲令藥力相及

爲佳乳卽下

衍義

既產而乳汁不通非緣肺胃之虛寒則爲經絡之熱阻虛則鐘乳爲下乳汁之專藥以其中空如管能利九竅也而消石石脂雲母皆鐘乳之佐耳熱則石膏爲通乳之專藥以其肌理鬆脆能通肺胃之熱也而理石滑石亦石膏之亞耳寒熱糾結非鐘乳與理石並用不能使之卽通務在隨其偏勝而調適之斯無不當矣漏蘆通艸清熱利竅之專藥括萇土瓜根開痰化熱之專藥豬蹄鱒魚滋養氣血之專藥鯉魚頭燒鼠灰利水通津之專藥桂心鱉鱉白頭翁鬼箭溫血破血之專藥麥冬桔梗

甘艸黍米輔佐之流調和諸藥亦不可缺合諸方
諸味而統論之雖有沉寒客熱痰氣血瘀之不同
總不越開關利竅一法於此推諸方之用豈特聞

一知十而已哉

孫真人千金方衍義卷二

終